



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 12. stav 3. Zakona o kantonalnoj agenciji za privatizaciju ("Službene novine Kantona Sarajevo", broj 6/97, 7/00 i 19/11) i Odluke o standardima i kriterijima za izbor i imenovanje direktora Kantonalne agencije za privatizaciju Sarajevo ("Službene novine Kantona Sarajevo", broj 17/03), ministar privrede

P O N I Š T A V A

Oglas za izbor i imenovanje direktora Kantonalne agencije za privatizaciju Sarajevo objavljen u "Službenim novinama Federacije BiH", broj 32/16 od 27.04.2016. godine i u dnevnom listu "Oslobođenje" od 27.04.2016. godine i ponovo raspisuje

O G L A S **ZA IZBOR I IMENOVANJE DIREKTORA** **KANTONALNE AGENCIJE ZA PRIVATIZACIJU SARAJEVO**

1. Opis pozicije direktora

Rukovodi Kantonalnom agencijom za privatizaciju, predstavlja i zastupa Agenciju, odgovara za zakonitost rada, pravilno i zakonito vođenje materijalno - finansijskog poslovanja Agencije, odlučuje o zapošljavanju i raspoređivanju radnika, donosi pojedinačne pravne akte iz djelokruga rada Agencije, obavlja i druge poslove utvrđene zakonom, Statutom i drugim općim aktima Agencije.

Direktor Agencije imenuje se na period od 4 (četiri) godine.

2. Kandidat za poziciju direktora mora ispunjavati sljedeće opće uvjete:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou vlasti u BiH, u periodu od tri godine prije dana objavljivanja upražnjene pozicije,
- da se na njega ne odnosi član IX. 1. Ustava Bosne i Hercegovine,
- da nije izabran zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti BiH ("Službeni glasnik BiH", broj 16/02, 14/03, 12/04 i 63/08).

3. Pored općih uvjeta kandidat treba da ispunjava i posebne uvjete:



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



- da ima VSS – sedmi stepen ekonomskog ili pravnog smjera,
- 5 godina radnog iskustva u struci,
- da nema privatni/finansijski interes u reguliranom organu u koji se kandiduje,
- da nije na funkciji u političkoj stranci,
- da se protiv njega ne vodi krivični postupak,
- da nije osuđivan za privredni prijestup.

4. U postupku konačnog izbora uzet će se u obzir i sljedeće:

- sposobnost kreativnog doprinosa u reformi, privatizaciji i tranziciji državne imovine,
- sposobnost da svjesno, odlučno i odgovorno obavlja poziciju direktora Agencije,
- sposobnost nepristrasnog donošenja odluka,
- komunikacijske i organizacijske sposobnosti,
- sposobnost upravljanja ljudskim resursima i naklonjenost timskom radu,
- rezultati rada ostvareni tokom karijere,
- preporuke ranijih neposrednih rukovodilaca,
- poznavanje najmanje jednog stranog jezika.

5. Uz prijavu kandidati su dužni dostaviti sljedeću dokumentaciju:

- uvjerenje o državljanstvu (ne starije od 6 mjeseci),
- izvod iz matične knjige rođenih,
- diplomu visoke stručne spreme,
- dokaz o radnom iskustvu,
- uvjerenje da se protiv njega ne vodi krivični postupak (ne starije od 3 mjeseca od kantonalnog suda),
- uvjerenje o nekažnjavanju za privredni prijestup (ne starije od 3 mjeseca od općinskog suda)
- dokaz o poznavanju stranog jezika,
- izjava podnosioca prijave ovjerena od nadležnog općinskog organa kojom vlastitim potpisom potvrđuje da ispunjava uslove iz tačke 2. alineja 3., 4. i 5. i tačke 3. alineja 3. i 4. ovog oglasa.

Uz prijavu kandidati su dužni dostaviti biografiju (CV), adresu i kontakt telefon, priložiti originalne dokumente ili ovjerene fotokopije, kao dokaz o ispunjavanju uvjeta iz Oglasa.

Oglas će biti objavljen u dnevnom listu "Oslobođenje" i "Službenim novinama Federacije BiH". Oglas ostaje otvoren 15 dana od dana posljednjeg javnog objavljivanja.

Prijave sa traženom dokumentacijom dostaviti na adresu:

Kanton Sarajevo, Ministarstvo privrede, Reisa Džemaludina Čauševića br. 1, sa naznakom: "Prijava za imenovanje direktora KAP-a - ne otvarati".

Svi kandidati koji budu stavljeni na listu sa užim izborom, bit će pozvani na intervju pred Komisijom za izbor. Kandidati koje nakon intervjua predloži Komisija smatra se da su najuspješnije prošli otvorenu konkurenciju. Konačno imenovanje kandidata za direktora Kantonalne agencije za privatizaciju Sarajevo izvršit će Vlada Kantona Sarajevo.

Nepotpune i neblagovremene prijave neće se razmatrati.



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1

